

## F A C T V M

*Pour Dom Gilles Preuost Religieux profez del'ordre de Clugny, Prieur du prieuré sainte Croix de la Voulte dudit ordre:*

*Contre Freres Claude Garrony, Roger Ruelle, Jacques Ozan & Jean Durant.*

**L**e proces pendant au Conseil entre les parties ne conciste qu'en faict, d'autant que ledit Preuost est pourueu par la confidence dudit Garrony enuers Christofle Dapcher sieur du Chaillac, & soustient avec ledit Garrony que la prouision de Domp Roger Ruelle dont ledit Ozan a le droit, ne peut subsister comme estant faicte du viuant de feu Guillaume Cornere dernier titulaire. Surquoy toutes les parties par arrest dudit Conseil ont esté reiglées & appoinctées contraires; Ordonné que dans certain temps elles bailleroient leurs faicts & feroient leurs enquestes sur iceux, & à ces fins permis ausdictes parties d'obtenir lettres monitoires.

Or ledit Garrony ou plustost celuy qui s'ayde de son nom qui recognoist soit que par le moyen des enquestes la confidence seroit clairement verifiée; a par toutes sortes d'inuentions & chiquaneries tasché à empescher l'execution de cest arrest, s'est opposé à la deliurance des monitoires & donné beaucoup d'empeschement audit Preuost en la faction & rapport de ses enquestes, & toutesfois n'a peu faire en sorte qu'il n'ayt fait ouyr quelques tesmoings par la deposition desquels il pretend auoir verifié que ledit d'Acher sieur du Chaillac a tousiours iouy de ce benefice depuis l'année mil cinq cens quatre vingts quatorze iusques à present, tant sous le nom dudit deffunct Cornaire que dudit Garrony, en sa presence a demeuré dans l'adit prieuré ou manoir & logis prioral d'iceluy, y a tenu femmes desbauchées, a faict les baus a fermes du reuenue d'iceluy, a baillé la Pierre en signe dextrousse au dernier encherisseur & faisant le bail des dixmes en la presence dudit Garrony de son consentement & depuis les prouisions de ce benefice obtenus en son nom a esté recogneu & appelé par tous les habitans du lieu sieur de la Voulte, mesmes par ledit Garrony, qui lors que vacation est aduenue de quelque benefice dependant dudit Prieuré, & quel'on s'est adressé à luy pour en auoir la collation auroit fait response qu'il se failloit adresser audit sieur du Chaillac sieur de la Voulte & que luy failloit bailler del'argent. Pretend aussi & espere auoir verifié tant par sceldites enquestes, que par les autres productions, qu'aucuns des fermiers du-

A





2

dit Prieuré n'a iamais payé sa redevance audit Garrony, mais tousiours audit Chaillac, ou à Loys Emery & Anthoine de la font les agés & seruiteurs.

Que ledit sieur du Chaillac pour empêcher l'exécution des arrestz du Conseil & faction des enquestes a taché par tous moyens, voyes, de fait & port d'armes deffendues de diuertir les tesmoins, sergents & autres officiers de Iustice.

Mais vn nommé Bureau qui sollicite cest affaire à la suite du Conseil pour ledit sieur du Chaillac, ayant recongneu que le procès se iugeant sur la preuue qui resulte desdites enquestes il n'y auoit point de difficulté qu'il ne le perdist, ce seroit efforcé de destruire lesdites enquestes par deux requestes ciuilles des quinziesme & vingt-neufuiesme Mars dernier: La premiere desquelles est contre l'arrest de contraires du vingt-sixiesme Mars mil six cents trois, & l'autre contre deux arrestz du douziesme de Mars dernier, par lesquels l'enqueste dudit Preuost est receüe, & les pretenduz moyens de faulx fourniz contre icelles sont ioints au procès esquelles requestes ciuilles il n'est aucunement receuable & en tout cas en doit estre debouté.

Pour le regard de la premiere les fins de non receuoir sont indubitables. Car outre ce qu'elle n'a pas esté obtenüe dans les six mois, ledit Garrony a executé ledit arrest de contraire, a fait ses faicts, & pouruiuy ledit Preuost de fournir les siens, l'en a fait forclore, a fait en vertu dudit arrest les preuues & enquestes, a fait forclore ledit Preuost de rapporter les siennes, & bresa fait par arrest receuoir lesdites enquestes: s'il veut faire retracter ledit arrest de contraire il n'est point releué de ce qu'il volontairement il l'a executé, & faudroit qu'il demandast pareillement retractation de l'arrest par lequel ses propres enquestes sont receües. Car ce pendant que cest arrest subsistera il est impossible de retracter l'arrest de contraires, autrement ce seroit vne chose absurde de que n'y ayant point d'arrest de contraire il y eust vne reception d'enqueste.

Le premier moyen dudit Garrony est qu'ayant appellé de certaine information faicte par monsieur Miron Conseiller au Parlement Domp Roger, Ruelle vne des parties declara qu'il se departoit de l'ayder d'icelle & que toutesfoi elle n'a poinct esté tirée dudit procès & a esté veüe lors que ledict arrest de contraires est interuenü.

Ce moyen, sauf correction est impertinent, la declaration de Ruelle de ne se vouloir aider de ladite information ne peut nuire ne preiudicier audit Preuost, lequel n'a faict semblable declaration, & neantmoins la verité est que ladite information n'a poinct esté veüe, & n'est au veu dudit arrest de contraire, Ne sert de dire qu'elle n'a esté tirée hors du sac & production suiuant l'arrest donné sur le consentement de Ruelle. Ces mots sont de droict & non de faict. Quand le Conseil ordonne que des pieces seront iectées hors du procès, c'est à dire qu'il n'y aura aucun esgard en iugeant: Mais il ne s'ensuit pas qu'actuellement il les faille tirer des sacs, aussi le Conseil en donnât cest arrest, interlocutoire ne s'est fondé sur ladite information, car s'il eust eu esgard à la preuue contenue en icelle il eust maintenu ledit Preuost en la possession dudit benefice ou il n'a faict autre chose qu'admettre la preuue du faict de confidence lequel est receuable.

Le Second moyen de Garrony, est que Ruelle auoit faict faire certaine in-





formation laquelle le sieur Euesque de Boulogne auroit supprimée, & laquelle estoit exclusiue du droit dudit Preuost.

Mais ceste information chargeoit ou deschargeoit ledit Garrony, si elle le chargeoit c'estoit au profit dudit Preuost, si au cōtraire, elle ne luy pouoit nuire, attendu qu'elle n'estoit faicte ny à la requeste ny contre luy, qui n'estoit encores partie au procès lors qu'elle fut faicte. Et Garrony se contredit d'autant que ladite information a esté de la part mise & produite au procès, d'où il s'ensuit, ou bien que ledit sieur Euesque ne l'auoit supprimée, ou qu'il la luy mesme deliuré audit Garrony, lequel en ce cas confesserait que fausement il a mis en fait que Preuost est confidentaire dudit sieur Euesque, lequel si ainsi estoit n'eust pas baillé audit Garrony ladite information qu'il dit estre exclusiue du droit dudit Preuost.

Le troisieme moyen dudit Garrony est que les contredits fournis contre la production ne luy furent baillez que le vingt-cinquieme iour de Mars, & que le iour ensuiuant le procès fut iugé de sorte qu'il n'eust pas loisir de fournir de saluations & n'en fut forcloz.

Il y a plusieurs responses à ce moyen. Il n'estoit point necessaire de fournir de saluations ny de l'en faire forclore, d'autant que les parties n'y estoient pas appoinctées, car en ce cas il ne fournit de saluations qui ne veur, d'ailleurs l'arrest n'a point esté donné sur les cōtredits des parties, d'autant que l'on a receu & admis seulement les faits par elles articulez. Or on n'articule point des faits par des contredits, & l'ordonnance defend d'y auoir esgard.

Pour dernier moyen Garrony dit que les promissions dudit Preuost sont faulces.

Ce moyen seroit pertinent contre vn arrest de maintenue: Mais non contre vn arrest de contraires, car ledit arrest ne fait aucun preiudice à la question des faulx, laquelle ledit Garrony peut pouruiure & faire iuger si mieux il ne considere, qu'il pourroit sortir honteusement de ce qu'il a entrepris avec temerité.

Pour le regard de la requeste ciuille du vingt-neufiesme Mars mil six cens cinq contre les arrests du douzieme dudit mois qu Garrony obrint pour empêcher le iugement du procès qui estoit sur le bureau & aux opinions. Les prenuies des moyens qu'il allegue pour l'ouuerture de ladite requeste ciuille est que lesdits deux arrests ont esté donnés avec precipitation.

Ce n'est precipiter le iugement d'un procès quand on le iuge lors qu'il est tout instruit. Ledit Garrony dès le mois de Decembre mil six cens quatre auoit baillé & produit ses moyens de nullité & d'appel, les procès verbaux des enquestes auoient esté mis & produicts par deuers monsieur le Rapporteur, & les moyens de faulx de Garrony auoient esté par luy fournis tellement qu'il ne restoit plus rien à faire pour l'instruction de ladite instance.

Le second moyen est qu'il n'a point fourni de contredits contre la production d'Ozan & dudit Preuost sur ladite instance d'appel & reception d'enqueste.

Les contredits qu'eussent bailler Garrony eussent esté imaginaires d'autant que le conseil n'auoit point reiglé les parties à escrire & n'auoient lesdits



Ozan & Preuost eſcript ny produit autre choſe que les procès verbaux des enqueſtes dont ledit Garrony auoit eu copie & auoir dit contre iceulx touſee qu'il euſt peu dire par contredicts, car ſes moyens de nullité & d'appel eſtoient en eſſet des contredicts contre leſdicts procès verbaux.

Pour le 3. moyen il dit qu'il y a de l'incompatibilité entre ces deux arreſts du douzième Mars en ce que l'un reçoit les enqueſtes & l'autre reçoit les moyens de faux contre icelles.

Mais il n'y a rien en cela de contraire ny d'incompatible: autre choſe eſt la forme & autre choſe la matiere & ſubſtance d'un acte: on peut accuſer un teſtament ou autre tel instrument de nullité comme la forme n'y ayant eſté gardée, & de faux comme le contenu en iceluy n'eſtant véritable. Il n'eſt donc pas inconuenient de iuger qu'une enqueſte a eſté bien faiſte c'eſt à dire que la forme y a eſté gardée, & neantmoins recevoir les moyens de faux fournis contre la diſte enqueſte & approfondir la dite queſtion de faux.

Si le conſeil vouloit nonobſtant les fins de non recevoir trespertinentes entrer au fons, & de rechef examiner ſi ledit Garrony auoit moyens pertinens pour empêcher la receptiō de l'enqueſte de Preuost, il n'y trouueroit nulle difficulté, Garrony dit que le iuge a eſté accuſé au parlement de Paris de cōcuſſiōs.

Par les pieces qu'il a produites il ne ſe voit point d'où procede l'accuſation, & eſt bien vray ſemblable que ce n'eſt pas de concuſſion, pource qu'il n'y auoit qu'un decret d'adiournement perſonnel originaire, il a eſté accuſé mais non conuaincu, & l'accuſation a eſté intentée & ce decret donné apres leſdites enqueſtes faiſtes.

Garrony dit qu'il pria ledit commiſſaire de faire pareillement ſon enqueſte & qu'il le refuſa.

Ce fait eſt faux & napert par aucunes pieces, & neantmoins ſert audit Preuost pour deſtruire les pretendues cauſes de recuſation dudit Garrony: car ſ'il la pria de faire ſon enqueſte il fault que ce ſoit apres qu'il fut arriué à la Voulte Or les recuſations ſont fondées ſur ce qu'arriuant audit lieu enſemble ſur les chemins Ozan & ledit Commiſſaire n'ont fait qu'un logis: l'ayant donc voulu prendre pour iuge depuis ledit temps il n'a peu reprouer celuy qu'il auoit une fois approuué.

Garrony dit que le iuge ſ'eſt monſtré partial en ce qu'il a qualiſié ces remonſtrances de ce mot pretendues.

Il ne les appelle pas pretendues remonſtrances, Mais remonſtrances prétendues auoir eſté faiſtes. Ce qui procede de ce que le procureur dudit Garrony ayant propoſé verbalement & non par eſcrit ſuiuant l'ordonnance quelques cauſes de recuſation du tout friuolles, le Cōmiſſaire les declara telles: quoy que ce ſoit ordonna la meſme choſe en diſant, que nonobſtant icelles il paſſeroit outre, & pour ce faire alla en la ville de Langeac où ledit procureur le ſuiuit & luy bailla par eſcrit des remonſtrances qu'il diſoit auoir eſté par luy faiſtes à la Voulte, & le pria de les adiouter à ſon procès verbal: le Cōmiſſaire ne voulut pas le reſuſer de les adiouter audit procès verbal, mais pource qu'elles n'auoyent pas eſté faiſtes en ceſte forme il mit pour le deuoir de ſa charge que ledit Garrony pretendoit qu'elles euſſent eſté faiſtes, ce qu'il eſtoit contrainct de faire



de faire, car autrement on eust presupposé qu'elles eussent esté faictes en ceste forme.

Garrony dit pour moyens de nullité que Ozan & le Commissaire ont logé par les chemins & sont arriuez en mesme hostellerie.

Il n'est pas receuable à alleguer ce faict puis qu'il dit que depuis ledit tēps il pria ledit Commissaire de faire son enqueste, d'avantage ledit fait est impertinent, car celuy-là est commensal qui vit à la table & aux despens d'autrui, & non pas qui se trouue avec luy en vn logis public, & finalement ce fait concerne Ozan & non ledit Preuost. Garrony adiouste cōme en passant que le commissaire a donné conseil à Ozan & Preuost, Ce fait ne fut iamais allegué audit Commissaire, & ne sert de dire que la procuration le porte: car elle ne luy fut point monstree lors qu'il ordonna qu'il passeroit outre, & ce qui monstre la supposition de ladite pretendue procuration est que combien que ledit Commissaire ne fust arriué à la Voulte que le vingt-troisiēme Ianuier à heure fort tarde, toutefois ceste procuration est dudit iour 23. Ianuier & fait mētion de ce qui s'est fait depuis la venue dudit Cōmissaire, ioint qu'il est du tout hors d'apparence que ledit Commissaire eust donné cōseil audit Preuost lequel n'y estoit point present, & faisoit sa poursuite par vn Aduocat pris sur les lieux, & substitué par le Brun son procureur, Aussi ledit Garrony ne s'arresta pas sur ce moyen, ains recognoissant ledit Commissaire pour iuge: Pour le regard dudit Preuost dit qu'au fonds, Rebours se disant procureur dudit Preuost ne pouoit occuper pour luy d'autant qu'il n'auoit point de procuration de Preuost, ains du Brun procureur au conseil qui l'auoit substitué.

Garrony dict que l'adoint n'a point presté serment, il ha sermēt à la iustice pource qu'il est en tiltre d'Office, il dit aussi que les tesmoins n'ont pas faict serment, mais l'enqueste fait foy du contraire.

Outre ces moyens particuliers il faut considerer que si en ceste affaire on fest vn peu relasché des formes ordinaires, cela est à excuser, pource que c'estoit pour retrancher les plus extraordinaires chicaneries qui furēt iamais. Il appert par le proces que Garrony auoit empesché que Preuost ne fist son enqueste, & s'estoit opposé à la publication des monitoires par luy obtenues, auoit empesché les tesmoins de deposer, le delay estoit prest à expirer, & si à ceste foison n'eust fait l'enqueste il ne failloit plus esperer d'y retourner, attendu mesmes les forces & violences du sieur du Chaillac. Est aussi à considerer que Garrony ne iustifie encores auourd'huy aucuns faits de ses pretendues causes de recusations, s'il veut qu'on iuge par la forme il faut que l'arrest de reception d'enqueste demeure en sa force, car il n'y a aucune ouuerture de requeste ciuile, s'il veut qu'on iuge par le fonds, il faut que les enquestes demeurent, pource que l'euenement faict voir que ses recusations n'estoient point veritables, ains seulement allegues pour empescher l'execution del'arrest, & finalement est considerable sur toute chose, que quand ledict commissaire eust esté amy de Preuost (lequel il ne vit iamais) il n'eust peu le gratifier, d'autant que les tesmoins auoient baillé leurs reuelations par deuant ceux qui auoient publié les monitoires, lesquelles reuelations le Conseil trouuera semblables aux depositions cōtenues en ladite enqueste comme ledit Preuost croit, qui est vn point decisif,



car l'occasiō que Garrony auoit de recuser le Cōmissaire est pource qu'il pourroit desguiser la verité. Or il appert qu'il ne la pas desguisé, & que ce qui est écrit dans l'enqueste est la vraye deposition desdits tesmoins, il n'a donc nulle occasion de se plaindre dudit Commissaire.

Outre la preuue qui resulte de ladite enqueste, la confidence de Garrony est verifiée tant par l'information des violēces & excès commis par ledit sieur du Chaillac, que par les sollicitatiōs par luy faites, sans qu'onques Garrony s'en soit meslé ny qu'il ayt iamais esté veu au Conseil, & est chose fort estrange que mesme dans la ville de la Voulte il n'ait iamais comparu en personne, mais seulement par procureur.

A quoy il faut adiouter la nullité du tiltre dudit Garrony lequel ne produit qu'une signature combien qu'il ayt pris possession en vertu de bulles, cōme de fait il ne se deliure point ou fort rarement à Rome des prouisions de benefices conuentuels sans bulles: Ledit Garrony n'a point le tiltre en vertu duquel il a pris possession, & n'a point pris possession en vertu du tiltre qu'il a.

Garrony accuse la prouision de Preuost de nullité & sa personne de confidence, qui est en effect vne crimination, car il veut reietter sur son aduersaire le crime dont il est accusé. C'est pourquoy ne se sentant pas partie capable pour obiecter ce vice audit Preuost, il a fait interuenir vn deuolutaire nommé Durant qui entre plusieurs incapacitez dont il est plain est né d'une conionctiō illicite ainsi qu'apert par sa lettre de tonsure.

L'un des moyens de nullité est que Guermeau l'un des tesmoins mentionnez en la prouision dudit Preuost a esté cōdemné a estre fustigé, il ne fait point apparoir de l'execution & ne dit point la cause de ceste condēnation combien qu'il fust bien necessaire de le sçauoir *ictus enim fustis non infamans sed causa propter quam inflatus sunt*, d'ailleurs le collateur ny ledit Preuost n'auoient aucune cognoissance de ceste condēnation, & finalement l'ordonnance ne dispose rien de la qualité des tesmoins qui doiuent signer es prouisions, ains seulement de ceux des procurations pour resigner desquelles mesmes elle ne requiert autre chose sinon qu'ils soient domiciliez & non domestiques du collateur ny du collataire, ledit Guermeau est de ceste qualité: Et quāt à ce qu'il dit que Gode-mart autre tesmoin est domestique dudit sieur Dormy, c'est vn faux fait & dont aussi il n'ya preuue.

Le second moyen de nullité que Garrony allegue est que la prouision de Preuost n'est pas signee d'un notaire Apostolique, mais seulement de Cheron. Il n'y a loy ny ordonnance qui requiere que les prouisions soient signees d'un notaire Apostolique. Ledit Cheron dès l'annee mil cinq cens quatre vingts dixneuf fut fait secretaire du sieur Abbé de Clugny pour demeurer pres de la personne du sieur de saint Martin son vicaire, & sont les prouisions dudit office insinuees. Bref le collateur pouuoit prendre pour secretaire tel que bon luy sembloit.

Est à noter que ce que ledit Garrony pourroit inferer de ces deux pretendus defaults est que la prouision dudit Preuost eust esté antidatee, ce qui ne peut estre, l'antidate est inutile à vn deuolutaire qui obtient vn benefice par confidence pource qu'en ce cas la longue prouision n'aquiert pas plus de droit au-



circulaire, d'ailleurs la possession qui est recogneuë veritable est de Ianuier six cēs trois, & la procuration pour plaider est du quatorziesme Feburir audit an, & quand on ne prendroit son tiltre que de ce temps il seroit aussi vallable que du iour qu'il est datté, qui est de Decembre six cens deux.

Le troisieme pretendu moyen de nullité est que le sieur prieur de saint Martin ayant conféré ce benefice à Ruelle, qui en est indigne, pource que Cornaire n'estoit encores decédé, est priué de le conferer pour ceste fois, & par ainsi ne la peu cōferer à Preuost. Le Chap. *cū in cunctis de elect.* apres auoir prescrit de quelle aage, quels meurs & quel sçauoir doiuent estre ceux qui sont à pourueoir du benefice, adiouste *in §. ult.* que si l'ordinaire confere à personnes qui ne sont de qualité requise, il est priué pour ceste fois de conferer le benefice. Le mesme est dit encore *in cap. nihil est cod.* ou le collateur est derechef chargé sous mesme peine d'examiner l'aage, les meurs & la doctrine de celuy qu'il veut pourueoir: les parties ne sont point en ces termes, Ruelle n'estoit pas indigne de ce benefice par defect d'aage, de moyens & de doctrine, mais pource qu'il s'estoit fait pourueoir du viuant de Cornaire, ce qui ne fait nul preiudice au collateur, lequel estant esloigné de cent cinquante lieues ne peut pas sçauoir l'estat de celuy qui possede le benefice, aussi en tel cas on ne le priue pas du droit de le conferer lors qu'il vient à vacquer, mais bien celuy qui la malinapettré *Toto tit. de conc. prab.*

Le quatrieme moyen est que Preuost lors de la prouision estoit pourueu de la Cure de saint Leu de Serans, ce qui est ridicule & impertinent, car cela estant ainsi, la Cure de saint Leu auroit vacqué *per adeptionem secundi incompatibilis*, mais la prouision de la Voulte ne seroit pas moins bonne *cap. de multa de prab. & d. cap. cum in cunctis. §. cum vero de elect.*

Quant à la confidence ledit Garrony pretend la verifier tant par son enqueste que par actes, Contre l'enqueste ledit Preuost employe les reproches; par luy fournis, Lesquels le conseil fera s'il luy plaist lire ensemble les pieces employees pour la iustification d'iceux.

Pour le regard des actes l'un d'iceux est vne responce qu'on suppose auoir esté faicte par ledit Preuost lors qu'on prenoit ses meubles par execution pour la part des espices de l'Arrest interlocutoire, Preuost a tousiours maintenu que ladicte responce estoit faulse & qu'il declara seulement qu'il s'opposoit à ladicte execution, laquelle opposition il pensoit signer lors que par surprise on luy fist signer ceste responce qu'il n'a iamais faicte estant lors si accablé de maladie qu'il ne peut s'arrester à lire ledit acte deuant que le signer, & de faict il passa aussi tost procuration audit le Brun pour declarer la surprise qui luy auroit esté faicte.

Nesert de dire que par ladicte procuration Preuost auroit ratifié ce qui auoit esté auparauant fait par son procureur, & que par consequent il ne luy auoit auparauant donné aucune charge, Car au contraire ladicte procuration fait mention du pouuoir qu'il auoit auparauant donné audit le Brun qui est la procuration du quatorziesme Feburier mil six cents trois: Mais la raison pour laquelle il a confirmé ce qui auoit auparauant esté fait est de peur qu'on pretendist que les premieres procedures fussent annulees par le moyen de ladicte



pretendue déclaration; Ce moyen fut préjugé par le Conseil quand Garrony ayant présenté requeste afin qu'attendu ladite déclaration Preuost fut mis hors du procès, le Conseil par arrest sans auoir esgard à ladite requeste ordonna que le Brun procureur continueroit à occuper pour luy & que Garrony luy bailleroit coppie de ses faits, pour y répondre, & mesme luy donna acte de ce qu'il desaduoua auoir fait ladite réponse; Ce qui montre que deslors le Conseil iugea que c'estoit vne pure suppositiō, depuis lequel temps ledit Garrony a tousiours procedé avec luy, comme partie legitime, luy bailla coppie de ses faits, l'a appelé pour veoir faire ses enquestes, à consenty la reception de celles dudit Preuost, & a eu avec luy renouuellement, de delay. Bref tout cela confirme l'arrest de contraires, & ledit arrest confirme le tiltre & la capacité dudit Preuost.

Pour autre moyen de confidence, Garrony ramasse quelques pretendues cōiectures, la premiere est que Preuost a pris possession par mesme procureur que Ruelle, ce qui est impertinent, il aduient bien souuent qu'un mesme personnage prend possession pour trois ou quatre diuers titulaires qui n'ont aucune intelligence, ensemble: ce n'est qu'un nud ministere sans cognoissance de cause & qui par consequent peut estre fait par quelque personne que ce soit & cest faux que d'Heuue qui a pris ladite possessiō soit n'y fut lors domestique du sieur Dormy. La deuxiesme coniecture est qu'un nommé Roc qui a cautionné Preuost a déclaré qu'il ne le congnoist point, il y a plusieurs moyens de ce faire cautionner par un homme dont on n'est pas cogneu, soit par l'intercession de ses amis, soit en le nantissant de la somme pour laquelle il interuient caution. La troiziesme cōiecture est que Mamet, presenta requeste à l'Official de saint Flour sous le nom d'Ozan & de Preuost, pour auoir monitoires. Quand il se fussent tous deux ioints en ceste poursuite pour auoir monitoires & pour verifier la confidence de Garrony, ils eussent bien fait, car ils tendent à mesme fin, pour ce regard tout ainsi que Preuost & Garrony sont pareillement ioints, pour montrer que Ruelle fut pourueu pendant la vie de defunt Cornaire, mais la verité est que Boullemer procureur de Preuost s'enquerant quel aduocat il pourroit prendre en ladite Officialité: on luy adressa ledit Mamet lequel se trouua aussi chargé pour Ruelle comme il aduient bien souuent, mesmement en sieges où il y a peu d'aduocats, ce qui fut cause que voyant qu'ils ne tendoient tous deux qu'afin d'auoir monitoires, Il presenta requeste à ceste fin sous le nom des deux, & ne fist aucune autre poursuite. Ce qu'il dit pour autre coniecture que Perriquet a signé les requestes pour Preuost est faux, cōme aussi que le Brun ait occupé pour Ozan, & ne se trouuera autre chose sinō lors qu'on proceda à certains extraicts, le Brun dit qu'il auoit trouué Perriquet qui ne pouuoit pas venir.

Au surplus est à cōsiderer que si le sieur Abbé de Clugny, ses grands vicaires & autres superieurs dudit ordre sollicitoient cest affaire & employoēt leurs moyens & leur labeur, ils feroient ce qui est de leur deuoir, car il appartient à tous Generaux & superieurs d'ordres de tascher par tous honnestes moyens de defendre leurs Religieux contre des confidentiaires, estant plus seant que les benefices soyēt tenus par des Religieux de leur ordre que par des gentils-hōmes.

*Monsieur l'Aduocat Rapporteur.*

